

**ხელშეკრულება**  
**სახელმწიფო შესყიდვის შესახებ №203**

ქ. ბათუმი

19 ივნისი 2017 წელი

ერთის მხრივ, აჭარის ა.რ. მთავრობის საქვეუწყებო დაწესებულება-საავტომობილო გზებისა და სამელიორაციო სისტემების მართვის დეპარტამენტი (ქ. ბათუმი, ჯავახიშვილის ქ. #72ა), წარმოდგენილი უფროსის არჩილ ჩიქოვანის სახით, შემდგომში „შემსყიდველი“, მეორეს მხრივ, შპს „ნომიგია“ (ქ. ბათუმი მელაშვილის 33-35 ბ.8) წარმოდგენილი დირექტორის მინდია ვაშაკიძის სახით, შემდგომში „მიმწოდებელი“, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ე“ ქვეპუნქტის შესაბამისად დებენ წინამდებარე ხელშეკრულებას შემდეგზე:

**მუხლი 1. ხელშეკრულების საგანი და ღირებულება**

1.1. წინამდებარე ხელშეკრულების საგანს წარმოადგენს ხულოს მუნიციპალიტეტში ს/გზაზე "ღორჯომი-ბახმარო (სოფ. გორგაძეების მიმართულება)" კმ0+000-კმ 1+700 მონაკვეთზე 621კუბ.მ. სასაქონლო ბეტონის მ-250-ის(B-20) (SPA170006306 29.04.2017 CPVკოდი-44100000) ელექტრონული ტენდერის საშუალებით შესყიდვა, შემდგომში „საქონელი“

1.2. ხელშეკრულების ჯამური ღირებულება საქართველოს კანონმდებლობით გათვალისწინებული ყველა გადასახადის ჩათვლით შეადგენს:

113 295.24 (ასცამეტიათას ორასოთხმოცდათხუთმეტი ლარი 24 თეთრი) ლარს.

**მუხლი 2. ანგარიშსწორების წესი**

2.1. მხარეები ანგარიშსწორებას ახორციელებენ ლარებში ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით.

2.2. როგორც ეტაპობრივი, ასევე საბოლოო ანგარიშსწორება მიმწოდებელთან ხორციელდება მიმწოდებლის მიერ სასაქონლო ზედნადების, საგადასახადო ანგარიშფაქტურის, ბეტონის ლაბორატორიული დასკვნის წარმოდგენისა და მიღება-ჩაბარების აქტის გაფორმებიდან არაუგვიანეს 10 სამუშაო დღის განმავლობაში, ზემოთაღნიშნული დოკუმენტაციის წარმოდგენილობა ან/და ხარვეზით წარმოდგენის შემთხვევაში, შემსყიდველს უფლება აქვს უარი თქვას ანგარიშსწორებაზე.

2.3. მიმწოდებელი უფლებამოსილია შემსყიდველს წარუდგინოს წინასწარი წერილობითი თხოვნა ავანსის გაცემასთან დაკავშირებით, სადაც დეტალურად გაწერილი და დასაბუთებული უნდა იყოს ავანსის სახით მიღებული თანხის გამოყენების მიზნობრიობა. იგი ვალდებულია წარმოადგინოს ასევე შესაბამისი დოკუმენტები, რომ არ არის რეგისტრირებული მოვალეთა რეესტრში, მის მიმართ არ არის რეგისტრირებული საგადასახადო გირავნობა ან/და ყადაღა.

2.4. მიუხედავად შესაბამისი წერილობითი მოთხოვნისა, შემსყიდველი უფლებამოსილია არ დააკმაყოფილოს მიმწოდებლის თხოვნა ავანსის გაცემის თაობაზე.

2.5. მიმწოდებელზე გასაცემი საავანსო თანხა განისაზღვრება ხელშეკრულების ჯამური ღირებულების 30 პროცენტის ოდენობით.

2.6. შემსყიდველის მიერ ავანსის გაცემასთან დაკავშირებით დადებითი გადაწყვეტილების მიღების შემთხვევაში მიმწოდებელი ვალდებულია წარმოადგინოს საქართველოს ეროვნული ბანკის მიერ დამტკიცებული საბანკო დაწესებულების მიერ გაცემული გასაცემი ავანსის ოდენობის უპირობო საბანკო გარანტიის მოქმედების ვადა 30



კალენდარული დღით უნდა აღემატებოდეს ხელშეკრულების მოქმედების ვადას. (ან რომელიც ძალაში უნდა იყოს გასაცემი ავანსის დაქვითვამდე).

2.7 შემსყიდველი უფლებამოსილია ხელშეკრულების მოქმედების ნებისმიერ ეტაპზე განახორციელოს მიმწოდებლის მიერ წინასწარი ანგარიშსწორების საფუძველზე მიღებული თანხის ხარჯვის მიზნობრიობის შემოწმება (საავანსო თანხის ხარჯვის დამადასტურებელი შესაბამისი დოკუმენტების წარმოდგენა).

2.8 შემსყიდველის მიერ გაცემული ავანსის დაკავება მოხდება ყოველი ეტაპის შესრულების წარმოდგენის დროს, ეტაპის შესრულების მთლიანი თანხით, ვიდრე სრულად არ გამოიქვითება მიმწოდებელზე გაცემული ავანსის თანხა.

2.9 შემსყიდველი უფლებამოსილია აამოქმედოს ავანსის უზრუნველსაყოფად გაცემული საბანკო გარანტია ხელშეკრულების პირობების დარღვევისა და ხელშეკრულების შეწყვეტის შემთხვევაში, თუკი შეწყვეტის მომენტისათვის მიმწოდებელს არ აქვს დაქვითული გაცემული ავანსი ან მისი ნაწილი.

2.10 ავანსის გათვალისწინებული თანხის გადარიცხვა იწარმოებს უნაღდო ანგარიშსწორების ფორმით მიმწოდებლის მიერ უპირობო საბანკო გარანტიის წარმოდგენიდან 10 დღის ვადაში.

2.11 იმ შემთხვევაში, თუ განსაზღვრული გარემოებების გამო მიმწოდებლის მიერ შესრულებული სამუშაოების ღირებულებამ არ შეადგინა ამ ხელშეკრულებით გათვალისწინებული თანხა, შემსყიდველი აუნაზღაურებს მიმწოდებელს მის მიერ ფაქტობრივად შესრულებული სამუშაოს ღირებულებას ამ ხელშეკრულებით განსაზღვრული ერთეული ფასების შესაბამისად. აღნიშნულიდან გამომდინარე მიმწოდებელს არ უნდა გააჩნდეს პრეტენზია სამუშაოთა აუთვისებელ მოცულობების შესრულებაზე და მის გადახდაზე.

2.12 შემსყიდველი უფლებამოსილია, ხელშეკრულებით გათვალისწინებული პირობების დარღვევის გამო დაკისრებული ჯარიმა ან/და პირგასამტეხლო (ასეთის არსებობის შემთხვევაში) დაუკავოს (გამოუქვითოს) მიმწოდებელს ასანაზღაურებელი თანხიდან და გადარიცხოს ბიუჯეტის შესაბამის ანგარიშზე.

### მუხლი 3. საქონლის მიწოდების პირობები


3.1. მზა ბეტონის მიწოდება ხორციელდება ხულოს მუნიციპალიტეტში ს/გზაზე "ღორჯომი-ბახმარო (სოფ. გორგაძეების მიმართულება) კმ0+000-კმ1+700 მონაკვეთზე შემსყიდველის ყოველი ცალკეული წერილობითი მოთხოვნის საფუძველზე, სადაც დაფიქსირებული იქნება მოსაწოდებელი მზა ბეტონის მოცულობები და მიწოდების ვადები. მიმწოდებელი ვალდებულია წერილობითი შეტყობინებიდან არაუგვიანეს 3 დღის ვადაში დაიწყოს მოთხოვნილი ბეტონის მიწოდება და დაასრულოს წერილში მითითებულ ვადაში.

3.2. მიწოდებული საქონლის ხარისხი უნდა შეესაბამებოდეს ბეტონის მარკას, საქართველოში მოქმედ მსგავსი საქონელის მიწოდების სტანდარტებსა და ნორმებს. მიმწოდებელმა უნდა უზრუნველყოს ბეტონის მარკის დამადასტურებელი ლაბორატორიული დასკვნის წარმოდგენა.

3.3. 3.2. პუნქტში აღნიშნული წესებიდან და ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს სამუშაო ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

3.4. შემსყიდველს უფლება აქვს ნებისმიერ მომენტში შეამოწმოს გამოყენებული მასალების ხარისხი. იმ შემთხვევაში, თუ ხარისხი არ აღმოჩნდება სამშენებლო ნორმებისა და სტანდარტების შესაბამისი, შემსყიდველმა უფლებამოსილია შეაჩეროს მიწოდება და აკრძალოს შეუსაბამო მასალების გამოყენება, ხოლო მიმწოდებელს ვალდებულია გამოასწოროს დაშვებული ხარვეზები საკუთარი ხარჯებით.

3.5. მიმწოდებელი იძლევა გარანტიას, რომ მიწოდებული საქონელი მისი ესპეციფიკაციის ნორმების დაცვის



*Handwritten signature in blue ink.*



შემთხვევაში, არ გამოავლენს დეფექტებს ერთი წლის განმავლობაში.

#### მუხლი 4. სამუშაოს მიღება-ჩაბარების წესი

4.1. ხელშეკრულების საგნის მიღება, როგორც სრული, ასევე ნაწილობრივი მიღება-ჩაბარებისათვის მიმწოდებელმა უნდა წარმოუდგინოს შემსყიდველს მიღება-ჩაბარების აქტი, სასაქონლო ზედნადები, საგადასახადო ანგარიშგაქტურა და ბეტონის ლაბორატორიული დასკვნა.

4.2. ამ ხელშეკრულების ძალით შესრულებული სამუშაოების შემოწმებას და მიღება-ჩაბარებას ახორციელებს შემსყიდველის მიერ უშუალოდ საამისოდ შერჩეული პირები - წარმომადგენელი ხულოს მუნიციპალიტეტში „ტექნიკური“ დეპარტამენტის „საგზაო და სამელიორაციო ინფრასტრუქტურის მოვლა-შენახვის“ ქვეპროგრამის კოორდინატორები და დეპარტამენტის უფროსის დარგის კურატორი მოადგილე, რომლებიც ადგილზე ამოწმებენ ხელშეკრულებით განსაზღვრულ ობიექტზე მოწოდებული საქონლის მოცულობას და ხარისხს. ფორმდება შესაბამისი მიღება-ჩაბარების აქტი.

4.3. შემსყიდველი ვალდებულია ოპერატიულად, სიტყვიერი ან/და წერილობითი სახით, აცნობოს მიმწოდებელს საქონლის მიწოდების პროცესში შემოწმების შედეგად გამოვლენილი წუნდებული საქონლის მოცულობის, წუნდების მიზეზების და წუნდების გამოსწორების ვადების მითითებით;

4.4. საქონლის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი;

4.5 შესყიდვის ობიექტის საბოლოო მიღება-ჩაბარებას ახორციელებს დეპარტამენტის უფროსის 2017 წლის 14 მარტის #31 ბრძანებით შექმნილი „საგზაო და სამელიორაციო ინფრასტრუქტურის მოვლა-შენახვის“ ქვეპროგრამის ფარგლებში შესყიდული ღონისძიებების მიმღები მუდმივმოქმედი კომისია.

#### მუხლი 5. პასუხისმგებლობა

5.1. ხელშეკრულების პირობების შეუსრულებლობის ან არაჯეროვნად შესრულებისათვის ან/და ხელშეკრულების შეწყვეტის შემთხვევაში მიმწოდებლის მიზეზით, მიმწოდებელი ვალდებულია შემსყიდველის მოთხოვნისთანავე გადაუხადოს პირგასამტეხლოს სახით ხელშეკრულების ღირებულების 1% არაუგვიანეს 10 საბანკო დღის განმავლობაში.

5.2. შემსყიდველი კისრულობს პასუხისმგებლობას ანგარიშსწორების ვადების დარღვევისათვის გადაუხადოს პირგასამტეხლოს სახით მიმწოდებელს გადასახდელი თანხის 0.2% ყოველი ვადაგადაცილებული დღისათვის.

5.3. მიმწოდებლის პასუხისმგებლობის პირობები:

5.3.1. იმ შემთხვევაში, თუ მიმწოდებელი 3.1. და 10.1. პუნქტით განსაზღვრული შესასრულებელი სამუშაოების შესრულების ვადას გადააცილებს, დაეკისრება პირგასამტეხლო შეუსრულებელი ვალდებულების ღირებულების 0,2 %-ის ოდენობით ყოველ ვადაგადაცილებულ დღეზე.

5.3.2. იმ შემთხვევაში, თუ მიმწოდებელი ყოველი წერილობითი მოთხოვნით განსაზღვრული საქონლის ღირებულების 70%-ზე ნაკლებს მიაწოდებს, შემსყიდველი უფლებამოსილია ცალმხრივად შეწყვიტოს ხელშეკრულება.

5.3.3. იმ შემთხვევაში, თუ ხელშეკრულებით გათვალისწინებული ჯარიმებისა და პირგასამტეხლოს რაოდენობა მიაღწევს მთლიანი სახელშეკრულებო ღირებულების 3%-ს, შესყიდველს უფლება აქვს ცალმხრივად შეწყვიტოს ხელშეკრულება.

5.4. მხარეები თავისუფლდებიან პასუხისმგებლობისაგან, თუ ხელშეკრულება დაიდო ფორს-მაჟორული გარემოებით.

5.4.1. თუ ხელშეკრულებით ნაკისრი ვალდებულების შეუსრულებლობა გამოწვეულია ფორს-მაჟორული გარემოებით ან/და მხარეები ხელშეკრულების შესრულების პროცესში წაწყდებიან ისეთ ხელშეკრულებულ გარემოებებს, რომელიც გამოწვეულია კანონით გათვალისწინებული ფორს-მაჟორული გარემოებებით.



5.4.2. ის მხარე, რომელიც ხელშეკრულების 5.4.1. პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 5 სამუშაო დღისა წარმოადგინოს ცნობა შესაბამისი კომპეტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.

5.4.3. ხელშეკრულების 5.4.2. პუნქტით გათვალისწინებული პირობების დაცვის შემთხვევაში მხარეები უფლებამოსილი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (სათანადო არგუმენტაციის საფუძველზე) ვადამდე შეწყვიტონ ხელშეკრულება.

## მუხლი 6. ხელშეკრულების შესრულების გარანტია

არ მოითხოვება.

## მუხლი 7. ხელშეკრულების შეწყვეტა

7.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

7.2 ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

7.3 ხელშეკრულების შეწყვეტის გაფორმება ხდება ორმხრივი შეთანხმებით, დანართის ფორმით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

7.4 შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:

ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);

ბ) მიმწოდებლის მიმართ მიმდინარეობს გაკოტრების საქმე (მიუხედავად მისი დაწყების დროისა);

გ) მიმწოდებლის ქონებას დაედო ყადაღა;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;

ე) იმ შემთხვევაში, თუ მიმწოდებელი ყოველი წერილობითი მოთხოვნით განსაზღვრული საქონლის მიწოდების ღირებულების 70%-ზე ნაკლებს შეასრულებს.

ვ) საქართველოს კანონმდებლობით განსაზღვრულ სხვა შემთხვევაში.

## მუხლი 8. ინსპექტირება

8.1. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს შესრულებული სამუშაოს ინსპექტირება.

8.2. მიმწოდებელი ვალდებულია საკუთარი ხარჯებით უზრუნველყოს შემსყიდველი კონტროლის (ინსპექტირების) ჩატარები სათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მესამე პერსონალს, მის შრომის ანაზღაურებას უზრუნველყოფს თვით შემსყიდველი.

8.3. შემსყიდველს ან მის წარმომადგენელს უფლება აქვს ხელშეკრულების პირობების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულების მიმდინარეობაზე. ხელშეკრულების პირობების საერთო კონტროლი ევალება დეპარტანტის უფროსის კურატორ მანადგილეს.



*Handwritten signature in blue ink.*

*Handwritten signature in blue ink.*

8.4. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

#### მუხლი 9. სხვა პირობები

9.1 წინამდებარე ხელშეკრულების არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

9.2 მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

9.3. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

9.4. იმ შემთხვევაში, თუ სამუშაოების შესრულების დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

9.5. ნებისმიერ ცვლილება, რომელსა მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.6. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9.7. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის, ფაქსის სახით ან ელექტრონული ფოსტით (სკანირებული ფორმატში) ორიგინალის შემდგომი წარმოდგენით, წინამდებარე ხელშეკრულებაში მითითებული მეორე მხარის მისამართზე.

9.8. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

9.9. მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შემსყიდველი და მიმწოდებელი მოლაპარაკებების დაწყებიდან 10 დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

9.10. ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან: ორი ეგზემპლარი შემსყიდველთან, ხოლო ერთი - მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

9.11. რეკვიზიტები, ხარჯთაღრიცხვა და სხვა დოკუმენტაცია თან ერთვის და წარმოადგენს წინამდებარე ხელშეკრულების განუყოფელ ნაწილს.

9.12. უქმე დღეების დამთხვევის შემთხვევაში სამუშაოების წარმოებასთან დაკავშირებული დოკუმენტაციის წარმოდგენა განხორციელდება საქართველოს სამოქალაქო კოდექსის 127-ე მუხლით გათვალისწინებული წესის შესაბამისად.

#### მუხლი 10. ხელშეკრულების მოქმედების ვადა

10.1. სამუშაოს შესრულების ვადა ხელშეკრულების დადებიდან 2017 წლის 15 სექტემბრამდე ხერხიოდ.

10.2. ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან (თუ სხვა



კონკრეტული ვადა არ არის განსაზღვრული), მხარეთა მიერ ნაკისრი ვალდებულებების სრულ და ჯეროვან შესრულებამდე, 2017 წლის 30 ოქტომბრის ჩათვლით.

მუხლი 12. მხარეთა იურიდიული მისამართები და რეკვიზიტები

“შემსყიდველი“

ქ. ბათუმი ჯავახიშვილის №72ა

აჭარის ა.რ. მთავრობის საქვეუწყებო-

დაწესებულება საავტომობილო გზებისა და

სამელიორაციო სისტემების მართვის

დეპარტამენტი

ანგარიშის №- **GE62TB7901736010100015**

საიდენტიფიკაციო კოდი: **245 538 333**

მიმღები ბანკი: ს.ს. “თიბისი ბანკი”

ბანკის კოდი: **TBCBGE22**

დეპარტამენტის უფროსი:

არჩილ ჩიქოვანი



„მიმწოდებელი“

შპს „ნომიგია“

ქ. ბათუმი მელაშვილის 33-35 ბ.8

საიდ. კოდი: 445 458 326

მიმღები ბანკი: ს.ს. “ლიბერთი ბანკი”

ბანკის კოდი: **LBRTGE22**

ანგარიშის #

**GE17LB0113124698379000**

დირექტორი:

მინდია ვაშაკიძე

*Handwritten signature of Minda Vashakidze in blue ink.*



*Handwritten signature in blue ink.*



# შპს "ნომიგია" "NOMIGIA" LTD

დასახელება: შპს "ნომიგია"

საიდენტიფიკაციო ნომერი: 445458326

მისამართი: ქ. ბათუმი მელაშვილის ქუჩა #33-35 ბ.8

ხელმძღვანელი: მინდია ვაშაკიძე

ტელ: 0422 24 83 83 მობ: +995 598 88 88 81

ელ. მისამართი: nomigialtd@gmail.com

ბანკის დასახელება: სს "ლიბერთი ბანკი"

ბანკის კოდი: LBRTGE22

ანგარიშსწორების ანგარიში: GE17LB0113124698379000

დირექტორი:



მ. ვაშაკიძე

მზა ბეტონის მიწოდების ხარჯთაღრიცხვა

| #     | საქონლის დასახელება           | წარმოშობის ქვეყანა, მწარმოებელი კომპანია | რაოდენობა /კუბ.მ. | ერთეულის ფასი | თანხა     | მოწოდების ადგილი: მოწოდება განხორციელდება ხულოს მუნიციპალიტეტში ს/გზაზე "ღორჯომი-ბახმარო (სოფ. გორგაძეების მიმართულება)" კმ0+000-კმ 1+700 მონაკვეთზე. |
|-------|-------------------------------|------------------------------------------|-------------------|---------------|-----------|-------------------------------------------------------------------------------------------------------------------------------------------------------|
| 1     | სასაქონლო ბეტონი მ-250 (B-20) | საქართველო შპს "გიო+2016"                | 621               | 182,44        | 113295.24 |                                                                                                                                                       |
| ჯამი: |                               |                                          |                   |               | 113295.24 |                                                                                                                                                       |

დირექტორი:



მ.ვაშაკიძე

შენიშვნა:

ა) ფასები იანგარიშება საქართველოს კანონმდებლობით დადგენილი ყველა გადასახდის გათვალისწინებით.

ბ) დაზუსტებას არ ექვემდებარება ტექნიკური დოკუმენტაცია, თუ სატენდერო დოკუმენტაციის მოთხოვნ(ებ)ის შესაბამისად, არ არის წარდგენილი ან მასში არ არის მითითებული ინფორმაცია შესყიდვის ობიექტის წარმოშობის ქვეყნის, მწარმოებლის ან/და მოდელის შესახებ, ასევე არ არის ან განუფასებლადაა წარდგენილი ხარჯთაღრიცხვა. აღნიშნულ შემთხვევაში განხორციელდება პრეტენდენტის დისკვალიფიკაცია ტენდერის პროცედურებიდან.